



Broj: 11-11-2-3457/25

Datum: 15.12.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U

**o dodjeli ugovora drugorangiranom ponuđaču u postupku javne nabavke
„Sportska odjeća i obuća“, za LOT 1 – Sportska obuća**

I.

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Sportska odjeća i obuća“, za LOT 1 – Sportska obuća, te se ugovor dodjeljuje ponuđaču „IMANAGER“ d.o.o. Sarajevo, čija cijena ponude iznosi 4.560,00 KM bez PDV-a.

II.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke „Sportska odjeća i obuća“, za LOT 1 – Sportska obuća, broj: 11-11/2-3457/25 od 17.11.2025. godine, kojom je ugovor za navedenu nabavku dodijeljen ponuđaču „ONRA“ d.o.o. Sarajevo, čija cijena ponude (nakon provedene e-Aukcije) iznosi 4.500,00 KM bez PDV-a.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Ponuđač iz tačke I. ove odluke dužan je, u roku od pet (5) dana, dostaviti dokaze koji su traženi tenderskom dokumentacijom (član 45. ZJN).

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Za izvršenje odluke zadužuje se Sektor za finansije i javne nabavke.

VII.

Odluka stupa na snagu danom donošenja.

Obrazloženje

Federalna uprava policije je provela konkurentski postupak javne nabavke „Sportska odjeća i obuća“ za LOT 1 – sportska obuća, broj Obavještenja o javnoj nabavci: 1412-7-1-277-3-179/25 od 13.10.2025. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke za LOT 1 - Sportska obuća iznosi 6.760,00 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu je sačinila odgovarajuće zapisnike, u kojima je utvrđeno da su blagovremeno zaprimljene dvije (2) ponude, i to od ponuđača: „ONRA“ d.o.o. Sarajevo i „IMANAGER“ d.o.o. Sarajevo, te da nije bilo neblagovremeno zaprimljenih ponuda.

Uvidom u ponude ponuđača, Komisija je iste ocijenila kao formalno-pravno prihvatljive, te da kao takve ulaze u daljnji postupak javne nabavke.

S obzirom da je tenderskom dokumentacijom predviđeno provođenje e-Aukcije, Komisija je Sektoru za finansije i javne nabavke dostavila akt, broj: 11-11-2-3457/25 od 29.10.2025. godine, s listom svih ponuđača, a u svrhu provođenja e-Aukcije.

Od strane Sektora za finansije i javne nabavke dostavljen je akt, broj: 11-19/2-11-2-3457/25 od 03.11.2025. godine, sa Izvještajem o toku i završetku e-Aukcije. U skladu sa kriterijumom za dodjelu ugovora - najniža cijena, Komisija je ugovornom organu dala preporuku za izbor najpovoljnijeg ponuđača, i to ponuđača „ONRA“ d.o.o. Sarajevo, čija cijena ponuda (nakon provedene e-Aukcije) iznosi 4.500,00 bez PDV-a, a u skladu sa članom 69. stav (1) tačka a) Zakona o javnim nabavkama.

Na osnovu preporuke Komisije, od strane ugovornog organa donesena je Odluka o izboru najpovoljnijeg ponuđača u postupku javne nabavke „Sportska odjeća i obuća“, za LOT 1 – Sportska obuća, broj: 11-11/2-3457/25 od 17.11.2025. godine, koja je dostavljena ponuđačima i objavljena na internet stranici Federalne uprave policije.

Aktom, broj: 469/25 od 20.11.2025. godine, od strane predstavnika prvorangiranog ponuđača „ONRA“ d.o.o. Sarajevo zatraženo je da se osigura uvid u ponudu i uzorke ponuđača u predmetnom postupku javne nabavke - što je istom omogućeno, o čemu je sačinjen Zapisnik o uvidu u ponude, broj: 11-11-2-3457/25 od 24.11.2025. godine.

Dana 26.11.2025. godine, od strane prvorangiranog ponuđača „ONRA“ d.o.o. Sarajevo zaprimljena je Žalba na odluku o izboru najpovoljnijeg ponuđača u predmetnom postupku javne nabavke.

Nakon izvršenog uvida u žalbu i razmatranja iste, donesen je Zaključak, broj: 11-11-2-3457/25 od 01.12.2025. godine, kojim se žalba ponuđača „ONRA“ d.o.o. Sarajevo odbacuje kao neuredna, u skladu sa članom 100. stav (3) Zakona o javnim nabavkama, sa poukom o pravnom lijeku da se protiv istog može pokrenuti upravni spor pred Sudom Bosne i Hercegovine, te da isti ne odgađa izvršenje pobijanog zaključka ukoliko Sud BiH ne odluči drugačije. Žalitelj je Zaključak zaprimio dana 02.12.2025. godine - što potvrđuje dostavnica koja čini sastavni dio dokumentacije u predmetu javne nabavke.

U tački II. Odluke navedeno je da je izabrani ponuđač dužan u zakonski određenom roku dostaviti dokaze koji su traženi tenderskom dokumentacijom odnosno dokumentaciju iz člana 45. Zakona o javnim nabavkama, a što je izabrani ponuđač propustio učiniti.

Članom 72. stav (3) tačka a) Zakona o javnim nabavkama propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

Uvidom u Izvještaj o toku i završetku e-Aukcije, broj: 11-11-2-3457/25 od 03.11.2025. godine, Komisija je utvrdila da je drugorangirani ponuđač „IMANAGER“ d.o.o. Sarajevo, s ponuđenom cijenom 4.560,00 bez PDV-a, te je ugovornom organu data preporuka da se za predmetni postupak javne nabavke ugovor dodijeli ponuđaču „IMANAGER“ d.o.o. Sarajevo.

Na osnovu naprijed navedenog, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

V. D. DIREKTOR
(Načelnik SKP-a)
GLAVNI INSPEKTOR

Enes Zeljković

DOSTAVITI:

- Sektor za finansije i javne nabavke;
- Ponuđačima;
- a/a.-